

## Ionna iñmbaia mac tiratna timbiñ rapar Outna kam

Ionna ma ndo ñgoinna, gan timbiñ rapara tirra nean̄ga tañrinan. Na ramtair witta gaind ndamñirina, ma gan timbiñ raparmo Iesusna ritipaikta meikramtairta tumnambta ianna tirra nean̄ga tañrinan. Na ma tongorinanna, mina kabena meikramtairmo matñirañ, te, mina an paparuna ramtairmo iukairañ, an ramtaira Rarañ Aetaniacna kambmo moa paurerena.

**Aia Rarañ Aetaniacna kam  
gidikmo ñañari utiñi gagra,  
ñañarikca kabena ramtaira ndori  
gagarikta kam ndop te, ndorimo  
wat, mocā ne anna ran̄gai nari**

<sup>1</sup> Aku Iesusna ritipaikta meikramtairta tum-bunna ñginaña morena ramoot pañan. Gan timbiñ rapara aku tiratnanna, umo an meac, unapa una mombonikap, nena mocā tiratna. Na Rarañ Aetaniac, ma umo larapacrina, u manan ñgoin. Aintik aku aindopatna, gidik ñgoin. Na auk toco nemo matñirena, na auk niñgikca wanain, meikramtaira muruña kam gidik mbaracre-nan, mitoco nena mamatñi ñgoin. <sup>2</sup> Na

---

**1:1** In 8.32, na 1 Pi 5.1, na 1 Io 3.18, na 3 Io 1.1

kam gidikca aiap eacrenan, ma aiapmo iarwar ndeacraŋnande, ainda moca aia nemo matŋirena. <sup>3</sup> Aintik an kam gidikna tipemb kirarira mbombopapa, an kabena meikramtaɪra matŋi momona tipemb kirarira, anna Raraŋ Aetaniac Aetapa Iesus Karaisnan. Na an Raraŋ Aetaniacna Nuoc, ma ndo aimo kadmaica, aimo kakadmaina opotaca moca, aimo moi aina iroar inkara wewettaca laiŋ teacnandet.

*Aia kabena meikramtaɪr matŋi momona tipna  
kirar ŋgoinna raŋgairaj*

<sup>4</sup> Na aku una mombonik ndeida kam gidikca raŋgairena kam mbaraca, aku toŋtoŋ ŋgoin. Na Aetta aimo raŋgaina ndopatna tipemb kirarira, mina marangaireke. <sup>5</sup> Na u an meacmabitac, aku un ndotopna kam ianap, an kamma, kam ŋgamma wanaiŋ. Anna atuna kam bagar, aku tongorinanna, u anna raŋgai. Na an kamma gaind, aia meacramoot kabe, kabea kabena meikramtaɪrmo mataui mamatŋia moraŋ. <sup>6</sup> Na kabena meikramtaɪra matŋi momona kambca gaind. Aia Raraŋ Aetaniacna kambca ŋaŋari raŋgairaj. Na aia mana kambta kamma, nemo outna ndopca, ne waraca mamaiat. Ainda moca ne mana mamatŋina kambca raŋgaica, kabena meikramtaɪrmo mataui matŋia, ndiarirta tipemb kirarir laiŋga mo.

*Aia Karaisna kammo mataui utiŋ gagra*

<sup>7</sup> Na ne warac, gan tiacarpaikca taŋrenanna

---

**1:4** 3 Io 1.3    **1:5** In 13.34, na 15.12, na 15.17, na 1 Pi 4.8, na 1 Io 2.7-8, na 3.11, na 3.23    **1:6** In 14.15, na 14.21, na 1 Io 2.5, na 2.24, na 5.3    **1:7** 1 Io 2.22, na 4.1-3

meikramtair witta mina parurena, mina Iesusmo ramootna kirar ndaruatnanna, anmo mina ripac ɳgocor. Aind ndamnjeckna ramtaira mina parurena mina Karaismo ndorita puñndamootna iroa moca morena. <sup>8</sup> Ainda moca ne ndoritake matau wat, moca an aiña aia gigiraca moca aŋgirina reiki, tanj iŋgoroc nari. Na ne mataui witi ki panjpainji gagraca ndorita an aiñna opoik aŋgi. <sup>9</sup> Na ramoot ianna Karaisna an riptia mataui utiŋgagra ɳgocor, na ma kabena riptia aŋgi te, an ramootta Rarañ Aetaniaca, manap mba eacitndai. Na ramootta Karaisna riptia, mataua utiŋga gagraca eacrenan te, Rarañ Aetaniacapa, mana Nuoc maniña manap eacnande. <sup>10</sup> Na ramoot ianna nen ndambun nakipca, na ma nemo ainta ripti ianna aŋgi kip ɳgocor te, ne mamo ra laja kai neaŋ teac. Na mamo kai actik teac, co, ndorita kac inikca kai aŋgiri mbuk tik teac. <sup>11</sup> Na ramootta mamo ra laj neaŋ te, ma mana an aiŋ ɳgoreaca moa gagrarena ramoot.

### *Ionna ndomo mina watna moca*

<sup>12</sup> Naaku nemo kamb witta timbiŋ rapar mbuňa tirca, nemmo neaŋ kipna min, naaku ndo aindatonggo ɳgocor. Aku tongorenanna, aku ndo kipi nenap mbiraca aia an kamb ndop te, aia muruňa tonþon ɳgoin ndeacnande.

<sup>13</sup> Na una mbina mombonikapa una an mbimo Rarañ Aetaniaca mamo larapacrina, ma manan ɳgoin. Aintik mina umo ra laj neaŋrina.

---

**1:8** Mk 10.29-30, na Gal 3.4, na Ib 10.32, na 10.35    **1:9** 1 Io 2.23    **1:10** Epe 5.11, na 2 Te 3.6    **1:12** In 17.13, na 1 Io 1.4, na 3 Io 1.13-14

**Raran Aetaniacna Kam Wemban Lan  
New Testament in Mborena Kam language  
Nupela Testamen long tokples Mborena Kam long  
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; ©  
Pioneer Bible Translators of Dallas, Texas, USA

This translation is made available to you under the terms of the Creative  
Commons Attribution-No Derivatives license 4.0.

You may share and redistribute this Bible translation or extracts from it  
in any format, provided that:

You include the above copyright and source information.

You do not make any derivative works that change any of the actual  
words or punctuation of the Scriptures.

Pictures included with Scriptures and other documents on this site are  
licensed just for use with those Scriptures and documents. For other uses,  
please contact the respective copyright owners.

2022-06-21

---

PDF generated using Haiola and XeLaTeX on 11 Nov 2022 from source  
files dated 29 Jan 2022  
8e1073ed-d2dc-5f3a-bb48-5406185123a7